



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. || Lvdovici || De Ponte Vallis-||Oletani, È Societate ||
Jesv Theologi.|| De || Christiani hominis || Perfectione In
Qvo-||libet eius Vitæ genere.|| Tomi Qvatvor.||**

Quorum argumenta ex S. Rvth Historia præcipué desumpta

Puente, Luis de la

Coloniæ Agrippinæ, 1626

§. 1. Similitudo eius cum Angelis cum Deo, & cum Christo

[urn:nbn:de:hbz:466:1-45802](https://nbn-resolving.org/urn:nbn:de:hbz:466:1-45802)

dens matrem suam commendauit: neque enim matrem Virginem alteri, quam discipulo Virgini commendare decebat.

*Apostoli I
multi virgi-
nes fuerunt.*

*Lib. de Vir-
ginit.*

*Lib. 1. de
Virgin.
Patria vir-
ginum ca-
elum est.*

EANDEM castitatem professi sunt Sancti, Andreas, Iacobus maior, & minor, Lucas, & alij scholæ eius discipuli: quamuis etiam elegerit S. Petrum coniugem, vt sic ostenderet se non dampnare matrimonium. Et ob eandem causam in monte Thabor adduxit Moysen & Eliam suæ Transfigurationis testes, in Moysen matrimonium, & in Eliam virginitatem honorans: et tribus tamen discipulis, quos secum in montem tunc ascendere voluit, vnus fuit coniugatus, duo autem virgines. Nam ad excelsum perfectionis montem celerius ascenditur per viam virginitatis, quam coniugij, Et huius transfigurationis aded gloriolæ cupidi, statim puritatem amplectuntur. Et quemadmodum (ait sanctus Basilius) qui perfectè sunt casti, sæpè ad tertium vsque cælum rapiuntur, vt euenit S. Paulo, qui etiam fuit virgo; & antequam Christum agnosceret, honori sibi ducebat ipsam castitatem. Et Elias (ait S. Ambrosius) fuit etiam in curru igneo ad cælum translatus: patria enim virginitatem colentium non terra est, sed paradysus. Hic habet corpus, ibi verò spiritu habitat: inde enim venit Adamus cælestis, qui hoc virgultum in terra plantauit, vt aliqua in ea esset ipsius cæli participatio.

§. I Similitudo eius cum Angelis, cum Deo. & cum Christo.

*Virginitas
efficit simi-
les Angelis.*

*a Mat. 22. 30
Lib. 4. Fide
c. 15.*

*Tract. de
Disciplin. &
Habitu Vir-
ginum.
Lib. de vera
Virginit.*

*Lib. 2. de
summo bono
c. 40.*

EX HI s licet aliam virginitatis, & perpetuæ Castitatis excellentiam deducere: nam manentes adhuc in terra efficit nos Angelis cæli similes, habentes puritatem ex gratia, quam illi habent per naturam; & incipientis ex hac mortali vita excellentiam participare gloriolæ resurrectionis: in qua (vt ipsemet Saluator dixit) non erunt nuptiæ, sed omnes iusti a erunt sicut Angeli Dei in cælo. Aspice igitur distantiam cæli à terra; & Angelorum à mortalibus: & inde agnosces, quantum castitas præstet matrimonio. Nam (vt ait sanctus Ioannes Damascenus) quanto Angelus hominibus superior, tanto virginitas nuptijs honorabilior. Per eam (ait sanctus Cyprianus) virgines incipiunt esse statipi, quod nos futuri sumus postea: habent in hoc sæculo gloriam resurrectionis; transeunt per hunc mundum absque eiusdem mundi contagio: & quamdiu virgines perseuerant, sunt Angelis similes. His addit sanctus Basilius: non esse quoscumque Angelos, sed illustriores: qui mortalium vitam honorant, ac tudentur: quasi dixerit eos esse humani generis honorem, & hominum custodiam ac tutelam. Nam propter ipsos, & in eorum gratiam Deus homines custodit, multaque beneficia eis confert, Sanctus Isidorus plus adhuc

adit

addit: quod virginitas non solum facit homines Angelis similes; sed etiam æquales. Id quod est conforme sententiæ ipsius Saluatoris, dicentis apud S. Lucam: in celo, ubi nuptiæ non sunt, fore homines *bæquales Angelis, & filios Dei. cum sint filii resurrectionis*, translati in aliud esse gloriosum, Et quamuis omnes Iusti sint hic filij Dei: at casti singulariter excellunt: eod quod filio eius unigenito Iesu Christo D. N. magis assimilentur.

Sed amplius adhuc hoc exaggerat sanctus Chrysostomus, dicens: virginitatem facere homines, ipsis Angelis quodammodo superiores. Hi enim (ait) quod non nubant, id fit, quod neque carnem habeant, neque sanguinem; nec habitent in terra tot miserijs referta; nec sint cupiditatibus & sensuum voluptatibus subiecti; nec opus eis sit comedere, & bibere; nec eos possit dulcis sonus, & suavis musica, aut speciosa aliqua pulchritudo emollire: At homo castus, his omnibus subiectus, & Angelis in viribus & fortitudine inferior: studeat violentiam sibi inferre, & ipsos Angelos in puritate imitari.

In quo existimas fuisse discrimen Angelorum ab Elia, Elisæo, & magno Baptista habitantibus in desertis absque villa cum hominibus communicatione & familiaritate? minores quidem illi erant ipsis Angelis: eod quod mortale corpus gestaret: sed in eo maiores erant, quod in corpore ad eod mortali ac patibili vitam ducebant; quasi imparabilem ob suæ Virginitatis puritatem. Idem confirmat sanctus Bernardus, dicens: castitatem & perfectionem hominum magis esse admirandam, quam Angelorum: quatenus in fragili carnis vase, tot pugnis ac periculis subiecta præluceat. Sicut mirum non erat, quod *Angelus* in fornace Babylonica cum tribus pueris manens, non combureretur horrendo illo incendio: quia non habebat corpus verum, sed tantum appatens: quod autem tres pueri, veram habentes carnem, non comburerentur illis flammis, magnum erat *Dei* omnipotentis prodigium, ut postea videbimus. Denique communis est Sanctorum Patrum vox, quæ perfectam castitatem virtutem vocant Angelicam: eam enim homo excedit se ipsum; & ita in carne vivit, quasi purus esset spiritus, iuxta Apostoli regulam dicentis: *in carne ambulantes, non secundum carnem militamus*: nullum enim à carne, in qua vivimus, stipendium habemus; nec vitam nostram legibus & placitis carnis, sed spiritus instituimus & gubernamus.

Ex his infert S. Basilus (ut à pluribus rationibus adducendis abstinemus, & omnia simul & breuiter dicamus) virginitatem facere hominem simillimum incorruptibili Deo: eod quod puritas corporis & animæ, quasi duæ alæ illum eleuent, ut divinam similitudinem in se recipiat, ad instar limpidiissimi cuiusdam speculi divinitatis radijs illustrati. Quamobrem dicit Sapiens: *e incorruptio facit esse proximum Deo*. cum enim homo *Deo* coniungitur, efficitur vnus spiritus cum ipso diuino.

Virgines æquales Angelis sunt.
b Luc. 20. 36

Lib. de virginitate. c. 11. 12.
78. & 79.
Superiores
Angeli
et dicit
virginitas
homines.

Serm. super id: Hac est generatio quæ venturum Dominum.
c Dan. 3. 49
Perfecta castitas virtus Angel. est.
S. Martial. epist. ad Tolosanos.
S. Hieron. epist. 12. de virginitate.
lib. de virginitate.
S. Aug. lib. de Sanct. virg. c. 13.
2. Cor. 10. 3
Virginitas facit hominem Deo simillimum.

c Sap. 6. 20.

Virgines
proprie sunt
Christi.
f. Apoc 14.1.

Vide Virgas.

Lib. de Dis-
cip. & ha-
bitu Virgin.

Nomen ag-
ni in fronti-
bus portant
virgines.

Tertia parte
Pastoralis.
Admonitio.
29
Virgines se
quuntur
agnum
quocumque
iuerit.
Lib. de San-
cta Virgin.

SED quoniam similitudo cum diuinitate valde ostenditur ex ea, que habetur cum purissima eius humanitate; & is est propior Deo, qui & ipsi Christo: audiamus, quæ S. Ioannes refert ad hoc propositum de ijs, qui colunt virginitatem: f. *Et vidi, inquit, & ecce agnus stabat supra montem Sion, & cum eo centum quadraginta quatuor millia, habentes nomen eius, & nomen Patris eius scriptum in frontibus suis. Et audiuī vocem de celo, tanquam vocem aquarum multarum, & tanquam vocem tonitruī magni; & vocem quam audiuī sicut citharadorum citharizantium in citharis suis. Et cantabant quasi canticum nouum ante sedem, & ante quatuor animalia, & seniores: & nemo poterat dicere canticum, nisi illa centum quadraginta quatuor millia, qui empti sunt de terra. Hi sunt, qui cum mulieribus non sunt coinquinati: Virgines enim sunt. Hi sequuntur agnum quocumque ierit. O felices & beatos qui in ad eū perfectō & selecto numero cōputantur, profitentes virginitatem, cui Agnus Dei sex illos fauores exhibet qui hic recensentur, Et quamuis S. Ioannes viros tantum nominet: sub eodem tamen numero (vt S. Cyprianus aduertit) computantur etiam feminae, quas virginitas reddit Virgines. Felices sunt, eō quōd cum ipso agno conscendant præcellsum montem Sion: quia sese erigunt ad heroicæ virtutes imitandas; amplexcentes cum magno feruore perfectionem, quam ipse docuit: & eidem sese coniungentes per cōtemplationem & amorem. Sunt etiam felices, eō quōd in frontibus suis scriptum gestent nomen eiusdem agni I E S V, patrisque eius cælestis: protestantes, se iam non suos esse sed ipsius Dei, & Christi Domini in ipsis habitantis; honori sibi ducenta quōd operibus suæ Castitatis fidem sui Redemptoris profiteantur; & perriantes, quōd nomen habeant filiorum Dei, & fratrum Iesu Christi. Sunt item felices, ob suarum vocum sonum, quo tanquam tonitru dæmones, cum quibus pugnant, terrent; Angelos verō cum quibus conuersantur suarum virtutū melodiā recreāt. Et quoniā ipsorum corpora tanquam citharæ sunt multarum chordarum siccarum extensarum, & consonantium, eō quōd cōtinuis suis mortificationibus suauissimam edāt harmoniā. Sunt felices, eō quōd soli dicere possint canticum illud nouum, & participes esse specialium gaudiorum, quæ virginitatem seruantibus promittuntur. Reliqui Iusti (ait S. Gregorius) canticum illud audire quidem possunt, sed non proferre: charitas enim facit eos gaudere de amplitudine Custorum: ad quam tamē peruenire nō possunt. Sunt etiā felices, eō quōd precioso agni sanguine sint redempti: quæ ita illis applicat, vt singulari puritate, & pulchritudine eas abluat; & ex communi hominū gradu feligat ad tantæ amplitudinis participationē. Sūt deniq; felices ex eō quōd sequantur agnum quocumq; ille iuerit: nam, cum sint virgines, nulla virtus superest, in qua non possunt illum imitari. *Pergite* (inquit sanctus Augustinus) *ō Virgines constanter vsque ad itinere**

v. l. tri

vestri terminum, vos enim ad nuptias, agni canticum adfertis nouum, quod citharis vestris, hoc est, vestris cordibus, diuinis laudibus dedicatis, cantabitis. Non erit *g. canticum nouum*, quale dixit David, *vt cantes omnis terra*, sed tale, quod soli vos cantare possitis. Pergite sequentes agnum, sed quod perueniaturum eum speratis, *vt sistat? vbi sunt ingentia gaudia*, non sicut huius mundi inania, aut gaudia communia reliquorum Sanctorum in caelo; sed magis singularia & propria Virginum, quae sunt de ipso Christo, in Christo, & cum Christo, post Christum, & pro Christo, & ipsimet Christo. Reliqui Iusti habent sua gaudia de Christo; sed non qualia haec sunt. Sequantur Agnum, non quocumque ierit; sed quod ipsi possunt peruenire: possunt quidem in loco omni eum sequi; non tamen, quando ille cum Virginitatis pulchritudine progreditur. Haec S. Augustinus; quibus speciale primum explicat, quod *laureolam virginitatis* appellamus. Sed audiamus, quae S. Athanasius ad eandem confirmanda addit. Si quae in hoc mundo nubunt, ait, relinquunt patrem, & matrem, suam, & adherent viro suo: quanto felicior est Virgo quae terrena omnia deserit, & adheret, & coniungitur Deo suo, semperque sequitur eius agrum? O Virginitas! corona quae nunquam marcescit, templum Dei, Sacerarium Spiritus sancti, gemma pretiosissima, vulgo hominum abscondita, à paucis inuenta, à multis odio habita, à solis dignis optata. O continentia, mortem destruens, possidens verò immortalitatem. Tu es gaudium Prophetarum, gloria Apostolorum, vita Angelorum, & corona Sanctorum. Beatus qui te obtinet, & constanter retinet, modicum enim pro te laborabit, & plurimum in te ipsa gaudebit.

§. II.

Nuptia cum Christo.

EX HAC SANCTI Athanasij similitudine aliam possumus deducere Virginitatis excellentiam, desponsationem scilicet perfectissimam, quam celebrat cum Deo suo: de qua Apostolus: *a desponsi vos vni viro virginem castam exhibere Christo*. Quasi dicat ego fui internuncius, & mediator, vt vestram virginem castam tradatis vni viro, qui est Christus. Quae virgo propter hanc desponsationem *sequitur agnum quocumque ierit*. Quemadmodum enim vxor tenetur speciali quadam ratione virum suum sequi, quocumque ille ierit; & ad vitam suam simul cum eo ducendam, ita vt non sit inter ipsos loci distinctio, nec habitationis, etiam intimi recessus, ad quem non pateat illi aditus: ita casta & Sancta anima, eò quod Christo sit desponsata, eum sequitur, quocumque ierit, tanquam eius comes indiuiduus, exercens se Sanctis meditationibus; & in eius praesentia semper ambulans, in feruenti oratione: quam sponsus in *b suo introducit cellaria*, & in ipsam *c cella-*

Lib. de Sancta Virginitate.

c. 27.

sequens.

g. Psal. 95. 1.

Singula.

ria sunt.

gaudia.

virginum.

»

»

»

»

»

»

»

»

»

»

»

»

»

»

»

»

»

»

»

»

»

»

»

»

»

»

»

»

»

»

»

»

Virgo Christo desponsatur.

a 2. Cor. 11. 2.

b Cant. 1. 4.

c Cant. 2. 4.